

آبونه شرا : هرير ايچون
 سنه لکي (۴۰۰) آلتی ایلنی
 (۲۲۵) ممالك اجنييه ايچون
 سنه لکي (۴۵۰) آلتی ایلنی
 (۲۵۰) غروشدر.

نسخه سی ۷,۵ غروشدر .
 سنه لکي ۵۲ عدددر .

اداره خانه : باب عالی جاده سنده
 رشید افندی خاندنه

اخطارات

آبونه بدلی پشیندر .

مسلكه موافق آثار مع المنونیه
 قبول اولتور . درج ایدلهین
 یازیلر احاده اولتماز .



آدرس تبدیلیده ایریجه
 غروش کوندرملیدر .

مکتوبلرک امضاری واضح
 و اوقوناقلی اولسی و آبونه
 صره نومروسی محتوی
 بولونسی لازمدر

ممالك اجنييه ايچون آبونه
 اولانلرک آدرس لرینک
 فرانسزجه یازلسی رجا اولتور.

پاره کوندرلدیکی زمان نهیه
 دائر اولدینی بیلدیرلسی
 رجا اولتور

ایتمشدر. لکن اکثر ولایتلرده مسلمانلرک مسجد و مدرسه لری قابلمش اولدینی جهته، تکرار دین تعلیمه مباشرت ایتک پک مشکلمشدر. ذاتاً مسلمانلرک حیات اقتصادی لری ده امیدسز برحاله کلشدر. جامعلره طرح اولونان ویرکولر سنه دن سنه یه آغیرلاشمقده در. بالخاصه قزان تانارلری آراسنده حیات، مادی و معنوی پک تحمل فرسا برحال اکتساب ایتشدر. کیمسه نیک مالک اجنبیه به عزیمته عاقدپسپورط ویریلیمه سی تقرر ایتشدر. خلاصه قلبنده ذره قدر ایمان اثری بولنان مسلمانلریکرمنجی عصر مدنیق سایه سنده قرون وسطی اشکنجه لرندن ده آغیراشکنجه لره معروض قالمشدر. عاقبت لری ده غایت وخیمدر. حیاتدن قطع امیدایتمش برحاله چیرنمقده لر. اقربا و تعلقاتی فدا ایتک صورتیله فرار ایده رک در سعادتہ التجا ایتک موفق اولانلر، کندیلرینی بختیار عد ایتکده درلر.

اساساً بولشه ویکلرک وضع ایتکده اولدقلری قانونلر اکثریتله دسائس سیاسی و خدعه نوغدنند. واقعا بکون مسلمان چوجقلرندن (۱۴) یاشنی اکمال ایدنلره دین تعلیم و تدریسنه مساعدده اولونمقله برابر مسلمانلر بونک موقت بر دسیسه اولدیغنده شبهه ایتکده درلر. ذاتاً بوندن ایکی سنه مقدم «یکی اقتصاد سیاسی» نامیله وضع اولونان سربستی تجارت قانونتی ده بولشه ویکلر فسخ ایدرک، بتون مملکتی مغلوج برحاله کتیرمشدر. پک چوق آدملر، بکون بولشه ویکلرک یغمالرینه ایکنجی دفعه اوله رق طوتولش و برپاره سز قالمشدر. سنه ده برقاچ دفعه تبدل ایتکده بولسان بولشه ویک قانونلری آرتق بوندن صوکر کیمسه ایچون شایان اعتماد دکلدر. مسلمانلره بخش ایتدکلری بو مساعدده یی کری آلمایه جقلری محقق اولسه بیله (۱۴) یاشنی اکمال ایدنجیه قدر مکته دوام ایتش بر چوجفک، ذاتاً دین ایله علاقه سی تماماً قطع ایدلش بولنه جنی شبهه سزدر. اونک ایچون روسیه ده مسلمانلرک استقبالی چوق وخیمدر. الله یاردیمجیلری اولسون.

عبدالرشید ابراهیم

مسلمانلرک قادیان

۱

مسلمانلرک قادیان ویردیک موقتی تقدیر ایتک مشکل برایش ده کلدر. چونکه کتاب مینمز المزد بولوندینی کی دنیا ده پیغمبرمن قدر هر سوزی ضبط اولونان بر کیمسه یوقدر.

حضرت محمد حیات بشریه نیک هر صفحه سنی اداره ایدجک جهانشمول قانونلر کتیرمش اولدیغندن قادیان اهل ایتکده سنه، یا خود بشرک مناببات اجتماعیه سنی مسکوت کچمه سنه امکان بوقدی. حضرت محمد او یکانه

بوکونکی صیغیرک موجودی ایسه (۱۱،۹۴۸،۰۰۰) در. قبل الحرب (۷۹) ملیون قویون بولندینی حالده، شیمدی (۱۳) ملیون قالمش بولنیور. ۱۹۱۴ سنه سی تموز ابتداسنده روسیه خزینه سنده آلون اوله رق، برملیار یدی یوز ملیون نقد، برملیار ۶۳۳ ملیون ده قائمه بولنیوردی. قومونیزم مسلکی شیمدی هر کسجه معروفدر. عالم بشریتده بونلرک مذهبی بیلمه ین همان یوق کیدر. اساس مذهب لرنده الوهیت یوقدر. املاک عمومیه مشترکدر، ملک خاص یوقدر. بونلره کوره دنیا ده کیمسه یه ملک خاص حق ویریله من. دین نامنه هیچ بر دین اولدینی کی، ۱۸ یاشندن اول کیمسه نیک کندی اولادینه بیله دین تعلیمی جائز دکلدر. تعلیم ایدنلر قانوناً مسؤل اولور.

بوراده استطراداً اسلام فیلسوفلرندن مرحوم شیخ جمال الدین افغانی حضرتلرینک تقریباً بوندن الی سنه مقدم انتشار ایتش اولان «نشر النیشیرین» نام اثرنده یازمش اولدینی شو عبارده یی نقل ایدیورم: «ظهور قومونیزم مبدا الانراض النوع البشری» مشار الیه، «قومونیزمک ظهوری بشرک انراضه مبدا اوله جقدر.» دیمش. رحمة الله علیه.

شیمدی مقصده کله لم: شو وضعیت داخلنده بوکون قومونیزمک ترک تحت اداره سنده بولنان روسیه ده، یکریمی میلیونی متجاوز اسلام و تورک عنصری بولنیور، که اساساً بزم مقصد مزده بونلرک احوالنه عاقد معلومات ویرمکدر. من القدییم بوملت لر، کرک تورکستان مسلمانلری، کرک قزان و اورال تانارلری، کرک قیرقیز قبائلی عمومیتله دیانت اسلامیه ایله متدین و تعصب دینی ایله ده معروف بولنیورلردی. سابق چار حکومتی بونلری روسلاشدیرمق ایچون ملیونلر ایله پاره صرف و بر چسوق جبر و ظلم اجرا ایتدکجه بو آدملرک تعصب دینیلری تزیاید ایدر، بتون قوتلریله مقاومت ایدرک صلابت دینی لرینی اظهار ایدرلردی.

شیمدی اداره مملکت قومونیزمک آلله کچلی نهایت یدی سنه اولیور. شو آز زمان طرفنده عموم دینلر اساسندن صارصیلدینی کی، اسلامیت ده مدهش بر صارصینتی به معروض قالمشدر. اوراده کی مسلمانلر، بوکیدیشه آز زمان صوکره دین نامنه هیچ بر اثر قالمیه جغه ده قناعت کامله حاصل ایتشدر. مسلمانانی تهدید ایدن بومدهش عاقبت روسیه مسلمانلری صوکره درجه یأس و اندیشه ده دوشورمشدر. بویأس و اندیشه ایله درکه بر چوق مسلمانلر تورکیایه هجرت فکرینه دوشمش، تورکیا اولمازسه سائر مملکتلره کیمیه قالمیشمشدر. بو خصوصده موسقوه حکومتنه مراجعتده بولونمشدر. مسلمانلرک بوعمو می هجرت فکری قارشوسنده بولشه ویکلر، قانون اساسیلرینه مغایر اولمقله برابر، تانارلر ایچون خصوصی بر امتیاز قیلندن اوله رق، اون درت یاشنی اکمال ایدن چوجقلره جامعلره اسلام دینک تدریس اولونه بیله جکفی قبول و اعلان

حضرت حوا دائمی بر معصیتک مرتکبی دکدر لر . جناب حق اونلری عفو ایتمشدر . ضعفلرینه و خطالرینه رغماً ذات باری اونلری ر یوزنده خلیفه یامش ، یعنی اونلری دنیانک افندیسی و حاکی قلمشدر ، او قدر که کونشله آبی بیسله اونلره مسخر ایله مش و ایفاسیله مکلف اولدقلری وظیفه لری یابدقلری تقدیرده اونلره مکافات وعد ایتمشدر . سموات و ارضک قبولدن استکاف ایتدیکی امانت خلافتی جناب حق هر درلو ضعف و قصورینه رغماً بشره تودیع ایله مشدر .

بشریتدن دار دنیاده ایفاسی ایستنیان وظائفده ارکک ، قالدین فرقی صورت قطعیه ده کوزه دیله دیکی کی اونلره آخرتده احسان اولونا جق مکافاتلرده ده بر فرق کوزه دیله مشدر .

قرآن کریم دیرکه : « ایستر قالدین ، ایستر ارکک اولسون مؤمن اولان جنته کیره جکدر . »

ینه قرآن کریم دیرکه : « کندیلرینی خدایه تسلیم ایدن ارکک وقادینلر ، ایمان ایدن ارکک وقادینلر ، اخلاص ایله عبادت ایدن ارکک وقادینلر ، طوغری اوزلی ارکک وقادینلر ، صبری اولان ارکک وقادینلر ، متواضع اولان ارکک وقادینلر ، صدقه و یرن ارکک وقادینلر ، اوروج طوتان ارکک وقادینلر ، عقیف اولان ارکک وقادینلر ، بونلره جناب حق مغفرتی و عظیم مکافاتی احضار ایتمشدر ، مسلمانلق مسائل دینه ده ، جناب حق نعمتلرنده ارککلره قالدینلر آرمسند مسوات تامه یی تأمین ایتمشدر :

« ایستر ارکک ایستر قالدین اولسون خیر ایشله ینلری بز مسعود بر حیاته نائل ایدم جکز ، عمللرینک مستحق اولدینی الک یوکسک مکافاتی احسان ایله جکز . »

قرآن کریم ، انسانی مسامت و مسعودیت مقامی اولان دار آخرتده دنیاده کی شریکه حیاتندن آیرما مقده در :

« سز وقادینلر کز جنته کیریکز . مسعود ایدیلر جکسکز . » مسلمانلق اهل صلاح اولان ارککلره وقادینلره پارلاق بر آتی وعد ایتکده در .

قرآن کریم قالدینلق عالمده یابدینی اصلحاتی طوغریدن طوغری به قرآنندن دیکله مک لازمدر . قرآن کریم عصر حاضرده رایج اولان عادته ده اشارت ایتمشدر . کتاب الله هیچ بر تبدیل و تحریفه اوغرامه دن بزه انتقال ایتدیکنندن بوتون بو خصوصاتده الک صحیح واک معتبر مأخذدر . بناء علیه قالدینلق حالی اصلاحه عائد اولان آیات کریمه یی تدقیق ایتدیکنمز تقدیرده اول حضرت محمدک قالدینلق نه حالده بولدیغی آکلایه جغکمز . زردشیلک ، موسویلک ، خرستیانلق کبی ادیان دور محمدی ده عربستانده مجهول دکلدی . فقط بوکار غما عربلر خرافاتپرستلکده ، بت پرستلکده ، سرخوشلقده ، قمار بازلقده ، قالدینلری انحطاطک الک

شارعدر که قالدینلر حقنده انسانلره رهبر اولاجق بر جوق تفصیلات بر اقمشدر . قالدینلرک اجتماعی ، حق سیاسی حقوق ، قالدینلرک حقوق تصرفیه سی ، حق حضانه سی ، و بوکامائل حقوق قالدینلرک وظائف دینه سیله برلکده موضوع بحث ایدمشدر ارککلره نه قدر اهمیت و یرلمش ایسه قالدینلرده او قدر اهمیت و یرلمشدر .

هر شیدن اول مسلمانلق آدمک سقوطنده قالدینک عامل اولدیغی قبول ایتمه مشدر . هر نه قدر حضرت محمد یکی بر دین کتیردیکنی ادعا ایتمه مش ، اهل کتاب اولان موسویلرله عیسویلرک عبادت ایتدکاری الله عبادت ایتدیکنی سویله مش ، اتباعنه بوتون انبیا و مجددلره اعتقاد ایتمه لرینی توصیه ایتمش و بر جوق شرایع قدیمه و ادیان سالفه یی احیا ایتمش ایسه ده زمان بعثتده قالدینک اقتصاد اجتماعیه کی حقوق و موقعی حقنده رایج اولان تلقیلری قبول ایتمه مشدر .

مسلمانلق ، خرستیانلرک کتاب مقدسند حضرت آدمه عطف اولونان بو سوزلری قبول ایتمه یور : کویا حضرت آدم جناب حقه دیمش که : « یاربی ، سنک بنخله برلکده بولونمق ایچون ویردیکنک قالدین ، ممنوع آغاجک یمشقی بکا ویردی » مسلمانلق (سن بول) ک بو نقطه نظرینه قبول ایتمز : « آدم آلدانمسامشدی . فقط قالدین آلدانه رق کناه ایشله مشدی . »

مسلمانلق نقطه نظری بو آیت کریمه افاده ایدیور : « وقلنا یا آدم اسکن انت وزوجک الجنة وکلا منها رغداً حیث شئتما ولا تقربا هذه الشجرة فتکونا من الظالمین . فازلهما الشیطان عنهما فاخرجهما مما کانا فیه » یعنی « زردیدک که : ای آدم ، سن وزوجک جنتده اقامت ایدیکنز . ایسته دیککیز یردن مبدولاً بیکیز . فقط بو آغاجه یاقلاشما بیکیز . یوقسه ظالم اولورسکز . فقط شیطان اونلرک آیاقلرینی قایدیردی . واونلرک بولوندقلری یردن تبعید اولونمغلرینه سببیت ویردی . »

بالخاصه بو نقطه یه دقت اولونمالیدر که قرآن کریم و یاخود احادیث شریفه هیچ بروقت بو آغاجک « صرفان آغاجی » اولدیغی سویله مه مکده در . ینه قرآن کریمه نظراً حضرت آدم توبه ایدیورکن بو شکلده توبه ایتمشدر :

« ربنا ظلمنا انفسنا وان لم تغفر لنا وترحمنا لنکونن من الخاسرین » یعنی « یاربی ، بز کندی نفسمز ظلم ایتدک . بز ی عفو و مغفرتنه نائل ایتمز ، بزه مرحمت ایلر سهک محقق خسرا نه دوچار اولورز . »

بوصورتله قالدینک موقعی دوشورمک ایچون ایلری سورولنمه انه کوکندن استیصال اولونمش ، وهبوط آدم مسئله سنده اوکا خرستیانلق و موسویلکک و یرمدیکی موقع و یرلمشدر . بوصورتله قالدین جانی اولمقدن قورنارلمش ، بوندن باشقه هبوط قصه سی تنور اولونمشدر . حضرت آدم و یا

درین غیارنده یا شامقده دوام ایتمشردی. ادیان متعدده صر بلرک اوزرنده اجرای تأثیر ایتمکه اوغراشمش ایسه ده موفق اولامادقن باشقه کندی تابعلری آره سنده استهداف ایتمیکی مقاصدی تحقّق ایتمیره مش وقادینلرک حالق اصلاح ایدمه مشدر. بناء علیه حضرت محمد مسلمانلرک یالکیز ایچکیدن، قساردن و بوکا نمازل مساوی ایله قادینلرک حالق اصلاحدن باشقه برشی یاپماش اولسه ینه بوتون پیغمبرلرله مجددرلرک وانسانیتپرورلرک باشنده طورور، وینه خاتم الانبیا وظیفه سی ایضا ایتمش اولوردی.

سوره (نسا) قادینلری ال یوکسک شاهقه ترقیه اعلا ایدن بو آیات کریمه یی محتویدر :

« یا ایها الناس اتقوا ربکم الذی خلقکم من نفس واحدة وخلق منها زوجها، وبث منها رجالاً کثیراً ونساءً واتقوا الله الذی تساءلون به والارجام. ان الله کان علیکم رقیباً. وآتوا النیامی اموالهم ولا تبدلوا الخبیث بالطیب ولا تأکلو اموالهم الی اموالکم انه کان خوفاً کبیراً » یعنی « ای ناس او ربکزه قارش متقی اولیکز که سزی بر نفس واحده دن یار آتمش واوندن زوجنی یعنی آرقاداشنی وجوده کتیره مشدر. واوندن بر چوق ارکک وقادین میدانه کلشدر. او الاهی تجیل وتنزیه ایدیکز که اونک سایه سنده یکدیگریکزه مراجعت ایدیورسکز. وارجامه (قادینلره) حرمت ایدیکز. محقق که جناب حق سزی دائماً مراقبه ایدر. یتیملره ماللرینی ویریکز. ای شیلرک یرینه خبیث شیلری قبول ایتمه ییکز. یتیملرک ماللرینی کندی ماللریکزه قاریشیدر مقله اونلرک ماللرینی یمه ییکز. بو محقق بو یوک بر جرمدر. »

بو آیات کریمه قادینلق ایچون بر برات مساوات و شرفدر. بو آیاتک تبلیغندن مقدم قادینلرک نه حالده اولدینغی بیانلر و او زمانلرک احوال و طاداتنه واقف اولانلر بوسطور قرآنییه یی قادینلرک حجت اعلا و رهاسی اولارق تاقی ایتمکده ترددایتز. بویه خارقه آسا براعتلایی، بویه معظم بر صلاحی جهان تاریخی هیچ بر زمان کورمه مشدر.

بو آیات کریمه ده ایلمک اول نظر دقتی جلب ایتمه سی لازم کان نقطه اونلرک طرز خطابیدر. آیت کریمه بوتون انسانلغه خطاب ایتمکده در. متعاقباً ارکک وقادینک عینی شیدن یارادلقلری کوستریلیور. بناء علیه تشکلات بدنیه اعتباریله قادین ارککدن ده اضعیف ایسه، یاخود ارککله عصر لرحه دوام ایدن برانکشاف اثری اولارق قادینلره فائق بر طاق صفات و قوایی الله ایتمشسه بونده قادینی محجوب، یاخود ارککی مغرور ایدمه جک هیچ برشی یوقدر. چونکه هرایکسک نفسی بزدر.

بناء علیه برنده بر اثر ضعف، دیگرنده بر اثر فاقیت و ارسه بو برانکشاف مسئله سیدر. فقط نظر الهمیده ایکسک موقعی بردر. ایکسی ده خالقلری اولان ذات کبریا یه عینی صورتله عبادت ایدمه جکدر. قرآن کریمه آدم ایله حوادلر هانکیسک ده اول یارادیلدینغه دلالت ایدمه جک برشی یوقدر. قرآنک هدفی حقوق بشریه اعتباریله ارککله قادینک مساوی اولدینغی بیان ایتمکدر.

بونی متعاقب آیت کریمه بو زوج و زوجهدن ارککله قادینلرک وجود بولدینغی بیان ایلمکده در. نوع بشرک آنجق ارککله قادینلرک مشترکاً تناسلی سایه سنده تکثر ایتمیکی بیان ایتمکله قرآن کریم انسانلرک قادینه دون بر نظرله باقمه لری ایجاب ایتمه دیکنی کوسترمده در. چونکه قادینله ارکک نوع بشرک تکثیرنده متساوی بر وظیفه یی ایضا ایلمکده در.

ارککله قادینک بو صورتله مساواتی تأسیس اولوندقن صوکره کتاب الله انسانلرک کمال صدق و اخلاص ایله جناب حق تقدیس وتنزیه ایتمه لری لازم کلدیکنی، چونکه آنجق اونک سایه رحمتنده انسانلرک متقابلاً مستفید اولدقلرینی و حائز اولدقلری حقوقی یکدیگرلرندن ایسته دکلرینی بیان ایتمکده در. آیت کریمه نک بو قسمی ارککله قادینک زوج و زوجیه ویا برادر و همشیره ویا والده و اوغول اولق اعتباریله آره لرنده بولونان رابطه محبتی تقدیر ایتمکده در. آنجق جناب حقک بر اثر لطیف اولق اوزره بو محبت حاصل اولمده در. بوندن طولایی جنساب حقه شکر ایتمه لی یز. ایکی جنس آره سنده کی متقابل محبت و مودتک قیمتی کوسترمک ایچون بوندن ده ا مکمل بر اسلوب بولونماز. بو متقابل حسبیانک قیمتی تقدیر ایتمه دیکمز تقدیرده او محبتی بزم قلبمزه افاضه ایدن جناب حقه حرمت ایتمه مش اولورز. قرآن کریم بو متقابل محبت و مودتی بحق تقدیر ایدرک بونلرک خالق اولان ذات کبریا یه بوتون صمیمیت روحزله متشکر اولماز ایجاب ایتمیکی بیان ایتمکده در. کوریلدیور که خریستیانلق و بودیلکک دیدیکی کبی مناسبات زوجیه، انسانلری رضای باریدن اوزانلاشدران برشی ده کل، بالعکس بزنی جناب حقه ده ا چوق متشکر ایدمه جک، اوکا مربوطیت مزی تقویه ایدمه جک برشیدر.

بو آیت کریمه بوتون سوره شریفه نک زبده سیدر. بلکه بو نظم جلیل یوم خلقتدن، یاخود تکامل بشریتدن بو کونه قدر قادینلرک لهنده سوبله ن ال بویوک سوزدر. مسلمانلق بو آیت کریمه ایله قادینلری یوکسله بیله جکی ال یوکسک موقعه چیقارمشر. بو موقعدن صوکره قادینلق ایچون ده ا یوکمه حقیقه امکان یوقدر. م. م. حسین قیبراری